

李氏宗譜

第二分

卷首一

闔族續修宗譜人等名目

編輯 仲卿 崑山 厚勳

督理 先才 金臣 龍山 石菴 鳳山 仲平

校閱 識之 子襄 鏡蓉 少白 集富

繕寫 賢相 賢馬 賢鐸 寶齋 集典

經管 少南 賢先 叔卿 賢佑 賢郡 集仕

欽費 賢厚 賢廣 賢志 賢奧 賢杜 集旺 集滕

李氏宗譜

卷首一

名目

隴西堂

監察 先道 白卿 賢莫 春山 永池  
採訪 全詠 賢亮 賢默 賢炳 海山 賢朋

续修宗谱目錄

续修宗谱序传三篇

续修宗派

先道等杜累字据

学映公暨吴孺人合传

占雄公传

汪孺人六旬寿序

才祥公暨熊孺人合传

玉麟公暨朱姜二孺人合传

衡平公传

李氏宗譜

卷首一

目錄

二

隴西堂

熊孺人七旬寿序

学正公暨石孺人合传

学勳公暨熊孺人合传

思寵公暨万孺人合传

璞臣公暨吴孺人合传

金城公暨吴孺人七旬寿序

学梁公暨先敦公贤默三世合傳

涂孺人五旬寿序

学文公暨郭周孺人合傳

椿亭公暨廖孺人合傳

伯卿公暨熊孺人行略

仲卿事略

仲卿暨王孺人四旬寿序

叔卿事畧

刘孺人節孝傳

啟盛公暨畢孺人合傳

啟蛟先象賢方三世行壯

先象先生家傳道坦公元配王孺人墓記

上分屋后荒地契據

上分屋后荒山記

李氏宗譜

卷首一

目錄

三

隴西堂

上分與吳書樂杜白字一紙

伯卿兄弟三人門首隙地一段之珠公穡場記

民國甲戌年季春月

谷旦

重刊

續修宗派

陇右声名远

荣华萃一堂

箕裘期克绍

后代永流芳

李氏宗譜

卷首一

传序

四

隴西堂

学映公暨吴孺人合传

公讳学映思廉公之孙才朗公之子而余友崑山先生之祖父也始读书性极明敏乡先生咸器重之公为人秉直道而行世有不平之鳴质之公公喻以理曲直攸分莫不帖然不獨族中称其能即乡邻无不矜其才而嘖嘖称道也先是公祖思廉以勤俭为主义家颇饶裕公父才朗亦谨笃有父风自公出世后家计渐落乃曰诗书虽贵而尊难济目前之急遂弃毛锥业摒挡家政能勤苦善支持或营农事或托懋迁不数年间家道復隆匕然起大兴堂構置膏腴之田百餘畝所谓善居室

公不愧焉公既积有贖財用能行其好善之志如培道路以便行人葺庙宇以妥神像減谷價以濟貧人凡此义举有屡见而非一见者尤且忠厚居心常见世之相争相凌相欺相謗者则曰吾不忍为也不獨自戒且以戒其子安命顺天惟以爱亲敬长为务呜乎如公者其谁及哉德配吴孺人洵公之内助也机边缉柳春何岁以非秋帐底编蒲夜何时而非昼勤劳辛苦贤声溢姻娅焉育丈夫子四均卓犖不群能继父志孙辈十人亦皆亢宗嗣易曰積善之家必有餘庆余於公益信然迄今公虽下世已遥而曾元数十優者龍劣虎各成大门

# 李氏宗譜

卷首一

傳序

五

隴西堂

戶勢盖有方兴未艾者倘非公与孺人之遺澤孔长安能如是之寢昌寢熾耶兹贵族续修家乘崑山來館面述公之生平托余为传因不揣固陋笔而书之以誌不朽

世再晚肇乾朱先元頓撰

谷旦

民國甲戌年季春月

公元一九九三歲次癸酉年孟夏月

重刊

讳全守號占雄公傳

同社李氏距余村僅里許余先師諱蔚林夫子居是村  
迄今人皆耕田菑井兼營小貿以博蠅頭業儒者頗少  
焉惟李君占雄公子號崑山年三十餘以文學名館於  
家常往來余館固李氏之望也甲戌春余設帳祖祠崑  
山來與余言曰敝族續修家乘敢煩先生為吾父傳余  
曰爾父何如則曰吾父捐館時吾年尚幼父生平未之  
能詳但聞諸吾母云吾父為人卓犖重道義尚氣節慷  
慨有智略幼讀書穎悟絕倫伯仲四吾父其季也先大  
父尤鍾愛之恒欲玉女成卒以遇阨不果吾父嘗引以

李氏宗譜

卷首一

傳序

六

隴西堂

為憾壯歲雖服田力穡恒不愿以畎畝終其身辛亥歲  
民軍起義於鄂中吾父聞之喜甚慨然曰此吾有為時  
也遂奮志投軍以為吾之志不能得之於庠序猶當得  
之於疆場釋襁褓而披甲冑舍耒耜而習干戈齋儻諸  
古人投筆從戎之列然數奇終不得遂其志而歸尋歿  
其父不免有遺憾乎余聞而恍然因悟人事得失與天  
道盈虛迭為消長理無二致昔王祐以直道不容於時  
嘗手植三槐於庭曰子孫必有三公者后其子曰果  
相真宗皇帝於景德祥符之間坡公作三槐堂銘以紀  
其事士生於世苟能積德行仁敦崇節義縱不能得志

於其身斷未有不得志於其子孫者也李君生平鬱鬱不得志今觀其子崑山人品高尚學識優美士林重之不愧師儒之目社會尊之推為保甲之魁洵一時英俊也且有孫三長集林次集壑三集昶眉清目秀頭角崢嶸俱不凡材他日成立垂功名於竹帛表事業於旗常知不徒增光閭里已也茲值李府家乘告竣受崑山託自忘溷陋作是傳以誌不朽云

鄉愚弟孫寅清達丞氏鞠躬敬撰

公元一九九三歲次癸酉年孟夏月

重刊

# 李氏宗譜

卷首一

傳序

七

隴西堂

## 李世伯母汪太孺人六十壽序

余十餘年前得識李君崑山兒共八清才偉度志迈群賢深佩其必有所自立而測其必有所自稟也后余時過从涂海卿先生之門海卿先生與余為姻好又為崑山先生之姊丈即李世伯母汪太孺人之子壻也進而得詢李世伯母之懿行梗概而嘗感念之但終以未獲登堂親覲慈顏為憾今年春值李世伯母六十初度稱觴之庆更值李氏纂修宗乘眾擬紀其德以遺后世海卿先生屬余序之余乃序之如次云

夫世之論得壽者豈不曰以德而然詩曰令德壽豈中



庸曰大德者必得其壽可知壽為德徵在辨證學中似非盡出武斷但余雅不願以世伯母之平生懿行徒託鋪張將實表而出之以為世法以助觴政顧自搜求所聞往事強半東鱗西爪不能序次或恐語焉不詳反自增咎則固陋之弊當何以對世伯母而示來茲兼副所屬之重望乎雖然闡揚幽隱職不可辭无已姑畧言之世伯母為先鄉賢定遠之女年二十歸世伯諱全守號占雄公雞鳴警旦相勗起家及后誕育兒女躬倍劬勞課讀課耕令內外无忝所事故世弟崑山先生學成名立為吾黨聞人世姊又即余之姻母治家井井髣髴伯

# 李氏宗譜

卷首一

傳序

八

隴西堂

母非稟之有素其曷臻此而親鄰之蒙世伯母周恤恩遇者交口傳頌尤不乏人綜其慈惠溫恭宁刻苦一己不苛責他人歎客无怠儀濟貧无吝色為人若此宜其食報綿延如含苞初旭未有所止惜在中年李公不幸早歸道山清門世德不免有風雨飄搖之感賴世伯母茹荼飲苦更勵其操俾累代奕奕貽謀重加光顯將來福壽日增眼見子孫騰達萊衣繞膝華髮含飴天佑善良自如愚料尚不若此六十之盈門稱庆之盛而已也余固喜為世伯母祝其无疆之麻余尤喜為天下賢母頌其获福受祉必昌其后故余簪筆萱帟尚当有待而

而信其无容或爽其得與承榮蔭豈有暨乎是爲序

世愚晚万逢生拜撰

公元一九九三歲次癸酉年孟夏月

重刊

李氏宗譜

卷首一

傳序

九

隴西堂

才祥公暨熊孺人合傳

世之作傳者大都鋪張揚厲无切事實傳亦奚貴若吾之爲才祥公傳則異是公讳才祥字怀江之珠公三子兄弟四命皆不辰垂髫時父即見背慘類王哀心耿七泪涔七陟怙兴悲愁腸欲断母熊氏矢志柏舟以養以教至於成立第兄弟虽已长成事无巨细不敢專惟母是从母亦賢教訓有方或命耕或命讀无不因材器使耕讀有人家声丕振创业守成兼而有之貽謀远大非问舍求田者可比矣公生平为人心光明性磊落厚以与人严以律己而耿直廉隅人所莫及一介不与人一

介不取诸人勿贪意外之财勿为不义之事凡地方公益无不极力赞助以期其成甚至募捐解囊亦热心为之即如修伍当桥工程浩大需款甚鉅鳩工庀材亦非易事附近居民莫不鼠首债事无敢爲之领袖公独不畏难不辞劳出而招集多人协同修筑以利行人其陰德为何如巨哉妣熊孺人幽闲貞静謹守妇道作事勤言语慎性温和而心惻怛遇人以恩惠戚族有困顿者乐为賑济无德色亦无吝容诗所谓彼君子女谓之尹媾孺人其庶幾乎迄人瓜瓞绵绵子孙昌炽其荻報无涯分所应得惜前清年间国乱纷纷干戈擾攘士卒戰

# 李氏宗譜

卷首一

傳序

十

隴西堂

死疆場人民难以安居公因居距驿路里许兵丁经过不勝騷扰地方男妇逃避不暇惟公与孺人设席款待捐贖助餉兵无不口碑载道感戴莫名斯诚有足多者是以誌之俾后世子孙知其梗概焉

族重孙仲卿鞠躬敬撰

民國甲戌年季春月

谷旦

公元一九九三歲次癸酉年孟夏月

重刊

不幸甚

清邑庠生乡愚晚杨开甲詞垣氏頓首拜撰

民國甲戌年季春月

谷旦

公元一九九三歲次癸酉年孟夏月

重刊

李氏宗譜

卷首一

傳序

十二

隴西堂

李衡平先生傳

吾邑李氏諱先鑑號衡平先生者儒士玉麟公之長子也其為人以忠厚居心和平處世方九歲時喪母承先君子始授句讀十二歲后四子書即讀完奈家道貧寒不能卒舉子業於是遂棄毛錐子而习田園耕雲耨日魚水樵山櫛沐乎風雨之飄搖戴履乎雪霜之凌薄終歲勤動不違安居晚年督理戶事概秉大公分文不苟遇族有不平事則正言勵色以斥其非人有過失婉言勸之有急難竭力助之柔不茹而剛不吐不侮鰥寡不畏強禦必待冰釋而后已故敬先生者益众今先生虽

逝多邻莫不称道不置抑尝闻之先生之事父母以孝承顏色奉甘旨定省无间處兄弟以友待世人以诚视犹子不啻已出无所厚薄於其間生母朱孺人早逝庶母姜孺人来歸先生事之俨如前母是则大本已立而枝叶自荣茂焉以故孙枝挺秀子树争芳非先生积德之厚而能若是之寢熾寢昌哉予也才同半豹学愧全牛不克扬勵铺张以宣盛德敢將俚言述誌聊抒微忱上庠生世愚弟朱肇乾頓首拜撰

民國甲戌年春季春月

谷旦

公元一九九三歲次癸酉年孟夏月

重刊

# 李氏宗譜

卷首一

傳序

十三

隴西堂

## 姻伯母李母熊太孺人壽序

姻伯母熊太孺人者吾姊丈子襄之母也甲戌歲孟春姊丈因事來家予留家坐談並具菲酌以待酒次談及貴族譜牒墨稿已成將立局矣並囑予为伯母序因伯母壽古稀矣予曰嗟予托足詩書十有餘年終无一得加之字類鴉塗才同鳩拙万事百憂交相逼迫何暇为我伯母序子襄曰否序者叙也直叙其生平已爾吾弟聰明过人文學聞世尤宜为我母序俾傳其盛也盖莫为之前雖美弗彰莫为之后雖盛弗繼何子见不及此而漫为逊耶抑欲效段干木踰垣而避乎予曰

然予烘生也晚於伯母之德未能全悉惟兄教之子  
襄曰吾母系出熊門來歸我族內則精洋姆訓嫻熟  
三从早懷四德風山奉翁姑和妯娌操井日勤紡績當  
析爨時家口最重又乏積蓄惟吾母以十指生活机声  
每徹夜用能支撐事畜者吾母之力實多奈命蹇運  
乖吾父早逝維時內政外交均藉於我母之一身  
則日披星戴月夜則紡月織灯由是家道漸長食用稍  
增不料吾兄两天既傷我母之心吾姊一逝又斷我  
母之腸於是泣淚過多遂成為瞽目天乎天乎何吉  
人之多阨善不获報乎予乃酌而避之曰兄言固然但

# 李氏宗譜

卷首一

傳序

十四

隴西堂

皆伯母之境耳若予之为伯母序者則以其德也  
伯母之處乡鄰也无偏无党虽一裙釵中人而能排  
难解紛故乡鄰之人咸谓为巾幗先生此伯母之以  
德发为恩者也伯母之筵賓客也以情以礼叱狗无  
闻遇贫苦亲戚又必推食解衣无德色亦无吝色予也  
如蒹葭之倚玉树似女萝之施喬松伯母視之不啻  
已出故予感其恩恒称为女中君子此伯母之以德  
发为义者也如此皆伯母之積德也即以境论虽前  
此命途多舛令翁长兄三兄皆物故然三兄与兄均  
以成立以商雄正直交易人所共仰令侄集闰虽属冲

齡頰露头角且读书甚慧異日之方兴定未艾者也此  
所谓蔗境回甘 伯母脩之矣姊丈子襄笑曰有是哉  
曰以 伯母之德不卜而可知也酒罢即録所言以为  
序云

姻愚侄夏水烘季卿氏頓首拜撰

民國甲戌年季春月

谷旦

公元一九九三歲次癸酉年孟夏月

重刊

# 李氏宗譜

卷首一

传序

十五

隴西堂

## 学正公暨石孺人合传

吾族讳学正者才祥公三子幼侍父母侧知定省礼夏  
则清冬则温历久无间盖孝心出自性成非忤逆者所  
逮稍长习举子业师所传授咕啐窮年无稍懈怠与刺  
股悬梁无異酷嗜诗书已可概见父母嘉其志欲玉成  
之读至十八岁时以田事倥傯故遂废学就耕随父兄  
作苦田间櫛风沐雨戴月披星冈昼夜額額虽严寒酷  
暑不之畏故仓廩实府库充田产屋宇由渐增加何莫  
非辛勤所致也后因食指孔繁各立烟爨一切营谋比  
同居时更甚终身无宁晷举世孰如之公之劳勩难以

枚舉而命運乖舛更不堪述析箸后石孺人常嬰疾病未離床褥藥餌湯資耗費虽多在所不惜祇求厥疾痊愈不胜雀跃无如孺人病日弥留氣息漸奄朝不虑夕公寤寐难安手足无措恐抱炊臼鼓盆之痛而丧其偶迟之数年孺人疾病勿药有喜身體强健如故享寿七十餘无疾而终丈夫子四孙辈林立頭争崢嶸且有重孙矣

族孙仲卿敬撰

公元一九九三歲次癸酉年孟夏月

重刊

# 李氏宗譜

卷首一

传序

十六

隴西堂

## 功臣先生暨熊孺人合传

传何为作因誌其事实垂诸不朽是以作传传固可少乎吾族讳学勳號功臣者人杰也小时了了器宇不凡语言動作与群兒異美姿容善应对天性然也昆玉五序居季父母爰憐甚命之读性灵敏读书过目不忘七八岁时四子书即讀完且能解字义通文理其颖悟過人畴能企及成童作文颇明顺下笔数千言幾有马当神助乡先达輒以大器目之謂異日破壁飞腾正未可量奈命運乖舛不克游泮水歌芹藻为可惜年四十餘进取尤志捐入成均亦聊慰苦心孤诣之夙願耳自是



以教为业循循善诱远近争负笈焉坐春风沾化雨者不知凡几迄今公没有年芳範丕著人间闻其名者犹景慕焉兹丁续辑家乘不忍令斯人湮没无传用特不揣鄙陋冒昧操觚载诸潜牒使后之展而阅者想见公之为人取法而则倣焉德配能孺人端莊静一无苟言笑主中馈守内则三从足式四德無亏以及孝舅姑和妯娌诸大端莫不克慥师箴人称为女中君子亦何愧焉始而於歸雞鳴警旦敬戒無諱相夫挽鹿举案齐眉有古桓孟风操并日勤纺织机声轧七篝灯五夜不爇初不以家小康怀安逸心惟以劳苦是务糊造产业为

# 李氏宗譜

卷首一

传序

十七

隴西堂

已任以致家漸兴隆未有艾也迨举丈夫子八境似稍逆状况非前可比茹苦含辛晏如也然吉人天相丈夫子成立时均能振作有为大恢先绪家遂復興如故公与孺人克享桑榆暮景之欢岂非积累使然哉予生也晚雖未亲炙公与孺人犹能髣髴其懿行而追述之云族孙晏桃仲卿鞠躬敬撰

民國甲戌年季春月

谷旦

公元一九九三歲次癸酉年孟夏月

重刊

獻章公暨万孺人傳

公諱思寵字之煥號獻章能濟公长子幼讀書姿其敏  
出語惊人乡先达咸以大器期之奈家贫窘不能常讀  
棄儒服贾然才长货殖经营有方量物度时获利什倍  
念餘年遂成小康亲心大悦由是广置膏地营造屋宇  
左宜右有不知费儿许心力得此丰饶之境乎公生有  
至性侍父疾自宵达旦不离寢處拣選良醫奉药以途  
夜祷於神愿促已寿而永父年踰月父终盡哀盡礼不  
愆於仪遠近来吊者嘖嘖称孝焉昆仲六公居长友爱  
诸弟怡怡足尔授室后人口浩繁乃析居所募资财分

李氏宗譜

卷首一

傳序

十八

隴西堂

潤諸弟而諸弟得享田宅之安者皆惟公是賴公老友  
於家推及於宗族乡党人有患难设法解救亲族孤贫  
盡力賙给本慈善之心作不忍之举无论大小缓急總  
期物济人利而后已妣万孺人事公以敬顺闻喜勤劳  
好俭朴年十九於歸持家有理酒食必豐生子三长才  
荣次才华三才綸女一适能才荣兄弟姊妹辈未成年  
不许衣帛恐后嗣流於奢侈公尝遠留孺人约束至嚴  
每聚處时课读课耕不稍懈怠子孙均教之以成公生  
乾隆己巳年二月初二日卒嘉庆戊寅四月十三日享  
寿七十有八同年葬於门前芭茅山往来形勢家指为

发祥之所公没至今百有餘岁人文继起昌熾未艾非公積累深曷克臻此李府家乘久未续修公之潛德溼没不彰今春公之元孙贤先贤佑全侄集腾集亮等亦与为续修发起人族众一致赞助共成此舉不数月告竣姻长贤先等来校囑瑞麟为公传瑞麟不敏敢以鄙陋辞谨就诸姻长之所述者约叙一二以扬先德而誌不朽云

代理河南潢川县县长高本忻顿首拜撰  
民國甲戌年季春月 谷旦

公元一九九三歲次癸酉年孟夏月

重刊

# 李氏宗譜

卷首一

传序

十九

隴西堂

## 璞臣公暨吴孺人合传

公讳学屏號璞臣余乡之忠厚人也生平无甚声誉服田力穡以勤俭为本先世颇丰裕至於家道中落辛苦万状幾难自振矣迨后以佃以漁不辞劳瘁渐及亨通德配吴孺人内助称贤哲嗣挺生非公忠厚之报乎且夫世俗者流遭家不造或怡情於棋局或纵意於酒卮交引匪人致荒本业不克自为树立者不知凡几公乃積时累銖承先绪以义方训子置田园造业宇家声丕振以视世之惰农日安者不啻霄壤倘所谓大丈夫非耶尝语哲嗣实菴 菴曰由甘入苦易由苦得甘难吾

自思之不知幾历艰辛以至於斯也爾等勉乎哉於時  
兩哲嗣均能記憶卓有父風而謹慎過之旨哉詎非公  
令嗣哉迄今孫曾繁衍各勤正业有方兴未艾之勢何  
莫非公与孺人貽謀垂裕之所致也是岁贵族续修家  
乘公家嗣实菴襄事於祠述公生平请传於余余誼忝  
乡末实不敢辞因举公之大概云爾

前清举人乡愚晚吕学楷拜撰

民国甲戌年季春月

谷旦

公元一九九三歲次癸酉年孟夏月

重刊

# 李氏宗譜

卷首一

传序

二十

隴西堂

## 金城公暨吴孺人合传

信其讳金城其字生平无藉七声华惟勤俭而已承先  
人志以耕为业终岁勤動莫或遑處田疇之事必身先  
之毫不委诸人即家中蠅务亦必自理勤既如此俭亦  
足多凡日用饮食及衣服务从菲薄朴素即粗糲襤褸  
不厌也公之勤俭与怠惰奢华者迥異故始虽家徒壁  
立继则夏屋渠々田園泄七仓有餘粟囊有餘金衣食  
无虞凶荒有脩者莫不由勤俭中得来也公兄弟三序  
居长二弟不祿雁行折翼幸季弟无恙敦友恭誼无闕  
牆岬而怡七之乐正自无窮事父母以孝闻不徒洁滄

澹奉旨甘末節必以順意悅親養志是尚当经商远出  
时必告以方及歸期不使父母有纤介憂斯可謂養志  
矣年廿餘痛深失怙蓼莪諸作不堪卒讀斯时也弟俱  
幼穉尚不更事家政一切无人負担不辭勞瘁勉強支  
持及弟輩成立始得息肩奈族人因賦性耿介以經理  
祖帳重任委之勞瘁仍不得暇自經理祖帳數十年間  
坦白无私出入阿堵物必經众核算明晰如有絲毫不  
符即墊賠之正直不阿世所罕有尤足述者狷造享堂  
培植祖山尽力尽心其功甚鉅德配吳孺人秉心寒淵  
舉動不苟非重大事足未嘗輕移宗族咸嘖嘖稱之養

# 李氏宗譜

卷首一

傳序

二一

隴西堂

舅姑和娣姒无一繩之以礼此所以賢聲丕著巾幗  
流芳豈止調鹽梅工針黹而已哉生子五人均已成立  
孫輩叠出卓犖不羈一堂聚處繞膝承欢由是觀之公  
与孺人其德不爽宜其子孫昌炽获報无涯茲值续修  
家乘因誼属同宗忘其固陋用敢约略书之

湖北高等法院檢察官李晏桃拜撰

民国甲戌年季春月

谷旦

公元一九九三歲次癸酉年孟夏月

重刊

学樾公暨先敦贤默三世合传

乡僻之间一门内求其祖孙父子三世能以孝慈著者  
诚不多覩若吾乡李公学樾先生及其贤子孙有足異  
焉盖公本忠厚传家而子孙善继其美历三世不少衰  
其特行芳踪良可风也公幼失怙恃家极贫形单孤苦  
知谋生不易遂究心农业至勤虽暇餘群兒以嬉遊约  
绝不動其心尝自勵曰少壮不努力老大徒悲伤况吾  
年少孤而又贫稍荡即为溝中餓殍何敢嬉以怠乎长  
益自刻苦夏无暑冬无寒雞鳴必起性朴素食无兼味  
衣不尚华数十年如一日至處世待人一本古礼尤敦

李氏宗譜

卷首一

传序

二二

隴西堂

孝友风木之悲抱恨终身哀哉德配卢孺人坤德素著  
治家有道教子有方亦女中堯舜也生丈夫子一先敦  
为公与孺人最慈爱赋性磊落不拘小节尚廉俭分内  
者虽粒缕不忍棄然好施与人咸德之律身谨耕耘田  
园櫛风沐雨披星戴月手胼足胝终岁不稍暇虽其性  
喜习劳亦欲力谋甘旨以奉亲故耳尤能曲意以恃心  
欢不仅养口體已也元配孺人夏其姓亦淑慎其身无  
非无仪卢孺人之徽音信克嗣之洵内助之著者生子  
四號识之者其长子也读书有声亦吾乡之倜傥士守  
正不阿纷者多惜其言卓有乃祖乃父之风善事双亲

夏涼冬温无敢或违有古孝子之称今岁贵府家乘告  
竣興有力焉次子三子俱渾厚力农敦孝友曾孙亦林  
立嗚呼一门孝慈怡七自得洵人生乐事也向非学樛  
公之垂裕者遠及先敦公义方之教曷克臻此彼世之  
父不父子不子舛离骨肉不及如秦二世而亡者强半  
基於德之不修闻公之风可少愧矣其生歿年月均载  
谱不贅惟学樛公与其夫人均享年九十有四古所谓  
大德者必得其寿良信不诬易曰积善之家必有余庆  
宜其大昌厥后公之继起者正如螽斯麟趾異日发祥  
固未可量岂特三世足传者哉是合为传

李氏宗譜

卷首一

传序

二三

隴西堂

世晚高廉善清敬撰

民国甲戌年季春月

谷旦

公元一九九三歲次癸酉年孟夏月

重刊

涂孺人六秩寿序

孺人涂氏同邑用瑚女公之也慧而贤以礼法自绳不苟言笑习女红罔昼夜额额非重要事不越闺闼一步此诗所谓彼君子女谓之伊媾者也年十六归族兄贤林家微也力耕外兼习小贩尝出经月不返家中有无一委孺人缀畸緝断公私井井厚其亲以及其爱无或不丰坚忍其身以及其子无或不耆男女四人与兄弟析箸时均幼不更事食指繁操作尠禦冬无蓄棲身无庐艰穷之境殆非人履而孺人泰然罔不自得佐夫经营家政故劳苦自勵兒女大者攀衣小者乳抱手中纫

李氏宗譜

卷首一

传序

二四

隴西堂

綴不輟粒米寸絲珍如拱璧未尝以泥沙视也铢匕而積之寸匕而累之腴田连阡夏屋渠亾家道之昌日蒸蒸日上且恒人之情贫则諠吝富则侈惰孺人虽以贄雄卒帥初不變非布衣不御非粗糲不甘男女均已婚嫁亦既抱孙矣犹勤劳矜矜如当日不稍暇逸盖余得之见闻者如此如夫称述艰难以慰膺者而飭无窮君子之义也献人以谏而长溢志亦非君子所宜出也以贤林兄创业之劬而孺人承之之不易推察受福获祉之由岂惟型吾族哉虽风天下可矣本年四月廿一日孺人六十初度其子集典徵言於余余以族谊故未便推



辞聊书此付集典为孺人寿雖賓从如云当必曰夫人不言言必有中

厚勳氏拜撰

民国甲戌年季春月

谷旦

公元一九九三歲次癸酉年孟夏月

重刊

李氏宗譜

卷首一

傳序

二五

隴西堂

學文公暨郭周孺人合傳

當今之世其何事足以令人注意乎曰富與名耳蓋富者人之第一生命也名者人之第二生命也然富不由勤儉中得來則富不足恃矣名不由道德上發出則名不足貴矣伯岳祖李公學文者固富有貲財名留斯世者也伯岳祖昆季四人序居次友愛甚篤侍先君才梁公膝下克盡子職鄉黨均無間言晰爨後紹先人遺業農商並進闡精竭慮勞瘁不辭舉凡經營筹划借助於工人者半操持於自己者殆不止於半加以元配郭孺人歸侍房帙親操井臼摒擋內外不以鹽米累夫子之

神更以厨爨代家人之力奈天不永年不数载而谢世可慨也夫復配周孺人亦勤謹有古贤母风先是郭孺人育伯岳椿庭公甫一週而郭孺人逝周孺人抚之教之至於成立不啻已出也人皆谓我岳祖之盛德有以致之大凡全球社会上其能振兴家道者莫不赖有贤内助我岳祖其庶幾乎以故田园置屋宇新富厚渐增名譽益著岂偶然哉尤足称者性忠厚好施舍乞求者无弗与称贷者无弗给苦於债者不索償其陰隲有足多者由是观之我岳祖之富有貲财者誠勤俭中所得來也名留斯世者誠道德上所发出也独運途多舛伯

# 李氏宗譜

卷首一

傳序

二六

隴西堂

岳椿庭公仅三旬而卒致令我岳祖喪明抱痛且暮難忘然犹幸诸孙林立繞膝承欢我岳祖之心亦可稍慰矣近廿餘年来后嗣愈繁家声丕振耕者耕读者读乡里称为望族谓非我岳祖与孺人积德之深流光之远之报乎今贵族续修玉牒内弟仲卿囑代岳祖作传附以人两孺焉余谊忝至戚不能以不文谢因纪其实以誌之当与贵家乘同为不朽云

湖北法政畢業生愚侄孙壻朱先元肇乾氏敬撰

民国甲戌年季春月

谷旦

公元一九九三歲次癸酉年孟夏月

重刊

春亭公暨廖老孺人行畧

大江之西马桥之北往往有俊彦出焉不特学界中有名流而商界农界中亦多巨子吾於李氏得一人焉其人为谁讳先绵春亭其字也生资磊落秉性光明慷慨有大志惜冲年失恃孤苦无依赖继母周太孺人抚绥教育以至成立公事继兢兢焉惟恐或失每自恨曰幼年丧母为人生之大不幸我既遭此不幸敢不敬承父志事后母如生母於此而孝心见矣大志立矣年甫成童遂棄毛锥子而习计然術始而经商虽货财生殖而必以义为衡非义之利分文不取又能竭力耕耘不

李氏宗譜

卷首一

传序

二七

隴西堂

失本业经理祠事錙銖必算族人咸以公直稱育子四教以义方但次子不寿大伤孝心三子贤科以儒士名长子贤卿季子贤才均棄讀就耕克守先业独公缔造方殷而天年忽促卒年仅三十有六惜哉幸有廖孺人秉松柏節抱金石心寓精明於渾厚循礼清於周旋夫死而遵夫之志弥坚子幼而教子之心弥笃支持内外无隙可乘故家道遂蒸蒸日上田園屢置棟宇重新幽则慰夫灵於地下明则成子名於当时孺人之節堪旌孺人之功不朽尤足異者居近道旁时遭兵燹孺人以礼遇之以德感之以正威之而兵卒不敢犯非有丈

夫之志而能如是乎盖与先夫有同志焉自是孙曾继起頭角峥嵘孙少白性情纯静博学少言堪为俊杰孙镜蓉亦致力儒业克擅时名其所以方兴未艾者皆公与孺人之積累也孺人寿逾古稀而卒眼及一堂美盛亦足见天之報孺人者不爽也古人云莫为以前雖美弗彰莫为以后雖盛弗传而公与孺人其美可彰其盛可传要不能无所为也今贵族续修家乘公孙少白携行略来校请为立传适余有寒疾不能胜任白去后转请赵生芝山之父雪堂兄来校情祠懇切有不能以疾辞者是以不顧病状按劄直书较之藻飾逾量者又勝

李氏宗譜

卷首一

传序

二八

隴西堂

二 筹焉閱者諒之

清文庠並師範最優畢業

詞垣揚开甲敬撰

公元一九九三歲次癸酉年孟夏月

重刊

伯卿公德配熊老孺人行略

甲戌岁云館於百錫夏村花朝兰母少白至相與散步  
校外見春光爽目景物灿然白曰物逢春而更新人因  
何而传云曰男必端正女宜贤良斯可矣白曰如子所  
云吾父母近之能传否曰能曰請立传曰唯勉哉按公  
昆仲四次弟早弱幼授讀群而不党奈失怙未能竟业  
公以維年肩家政内外咸肅承母命贊三弟终儒业率  
季弟勤耕事身先之历受风霜不之较迨弟等学成农  
就议析三居财产一切未尝與之争也各宅数十年风  
追大被友爱笃矣公性介直喜襄公益理族中賬务疵

李氏宗譜

卷首一

传序

二九

隴西堂

议不入督建祖祠怨劳悉任今之峨峨祠宇者公之力  
焉年卅餘痛失恃喪葬时致誠致礼曾子云慎终追远  
云於公見孺人亦贤相公以利顺闻佐理以勤渾著凡  
造桥梁修寺观救災卹贫诸大端公具热忱孺人亦与  
有同心焉举丈夫子数如荀氏而天者六亦惨事也丧  
公之明痛孺人之心幸有子二长字少白次字占鳌白  
性谨朴学究深宏子三长出继孀嫂许氏为嗣公之命  
鳌性勤俭克敦乃父风子一方云蒸而未艾邇时家道  
豐饶正大俾公與孺人食无窮之报也抑又思之公之  
德加於外孺人之德襄於内岂止端正贤能而已哉雲

窃恨不文不克闡揚公与孺人之蘊特纪其巔末付少  
白兄持而去载诸劄劂以昭典法公讳贤清伯卿其字  
孺人熊氏相得益彰雲謹传

愚侄芝三赵绍云薰沐頓撰

民国甲戌年季春月

谷旦

公元一九九三歲次癸酉年孟夏月

重刊

# 李氏宗譜

卷首一仲卿公配熊老孺人行略三十一

## 隴西堂

族兄仲卿暨德配王孺人四旬寿序

盖闻福缘善庆寿以德徵古今同然理无二致然求其  
人以实之恒不斲數觀古称大富贵亦寿考惟汾阳王  
为然外此则未之见于族兄號仲卿暨德配王孺人  
四旬寿庆窃谓足以当之或曰四旬何足以言寿则应  
之曰不然予观兄夫妇之生平信其既往自可料其將  
来知他日眉齐偕老称兕觥而庆鹤算可預卜也按兄  
二齡失怙越數岁伯母廖即命就读不事姑息有孟母  
断机之遗风而兄亦善遵母训十餘年间博通经史诸  
子百家之覽靡遗时值前清未造以科举停废不获揚

名顯亲士论惜之然兄自是亦无意進取矣家居课读桃李盈门学者仰之若泰山北斗嗣因国體改革政治亦与为變更间里推兄辦理地方自治兄竭力经营颇见治效戚族有贫苦者不惜解囊以济之邻里有争讼者不惜捐金以寢之他如築马桥以除民患建祖庙以妥先灵续家乘以联族属凡此皆先其大后其细先其急后其缓无一不闕义举於以见兄之德而兄之寿即可由此决之德配王孺人生长名门夙娴姆训年十八来歸兄贤良之声與伯母廖並诗曰太妣嗣徽音予於孺人亦云以故兄之学业成於伯母者半成於孺人者

# 李氏宗譜

卷首一仲卿公暨王老孺人寿序三一

## 隴西堂

亦半论者方之乐羊妻云生子三女三皆教育有法其长男镜蓉年未弱冠学业已见许於先生长者之前虽由兄之庭训然非孺人和丸助讀当亦无由此至於自奉以俭晏客以丰操井臼勤纺绩犹属孺人餘事也憶辛未夏大水无隄不溃孺人居滨大江受害尤甚其年秋又遭鄰居之冤抑被抢以数千计然孺人家固素封者戚族有所乞求仍不惜借贷以济其急其贤如此其德可知兄与孺人之生平予得之於见闻者甚详他日螽麟衍庆杞梓发祥以盛德而享福寿不可预卜之哉是为序

湖北建设厅厅长同宗弟範一鞠躬撰

### 仲卿事略

人生宇宙间必生平遭际多幸父母俱存兄弟无故与夫富贵功名无一不备而后乐为叙述录之简端流传奕叶称道弗衰否则没世无称与草木同腐何传颂之有哉余二齡丧父孤苦无依仲兄短折痛抱鵠原其遭际不幸已达极黠理宜默尔而息无庸多赘奈族众因续纂家乘不遗餘力劳怨不辞以董其成诚族中之伟人也詎可湮没无闻乎一再向余请将事实纪之不获已勉副诸君之至意乃秉笔直书云余幼承慈母命从塾师读性颖悟纔一载四子书读完母心大悦昼夜纺

## 李氏宗譜

卷首一

事略

三二

## 隴西堂

续以供膏火惟期玉成学业以光门第而振家声后命出就外传文机畅达笔情流利师无不爱而勉勵之当时同学辈鲜有出乎其右者年廿三出巽宫为马桥堤与冈邑纏讼數载不知幾勞跋涉幾费精神嗣经冈鄂两县知事解决委任为督修马桥堤總理因建筑樊口未膺重任得免其勞民国庚申岁创造祖祠经理一切指不胜屈癸亥岁议析居田产屋宇未尝计较自念向未理家政恐难自为生活静夜思维幾难安席惟有百倍艰辛始能支持克保家声勿替迄今田園广置栋宇重新其經營締造为何如乎不意浩劫频臨奇冤莫测



辛亥起义后遇兵燹被抢匪胆破心寒苦难脩述辛未岁被强邻谋害将溺毙屍身扛至家中搶夺财物器具盜盂尤存悽怆难堪之状遐邇莫不太息维时同村老幼尽被驅逐孤身子立几毒手賴戚友擁護始能赴县起诉庭讯时理直气壮又能言敵人將一干橫暴之徒羈押囹圄以消其恨故遭虽此奇冤有膽有识毫不畏懼终有水落石出之时也无如讼累過久又值洪水为災所历苦况罄竹難书此不過畧举大概以见一般爾

仲卿自记

民国甲戌年季春月

谷旦

# 李氏宗譜

卷首一

事略

三三

隴西堂

## 族兄叔卿事略

君讳才號叔卿 曾祖才梁祖学文父春亭世有隱德君幼而端重動止異於常兒长而益自檢制言笑不妄刚方正直无回遁心性耐剧飲雖醉不乱或久無酒終亦不索怡然若有以自得也以學不逮耕收效速故不以詩書分念專事田畝荷鋤誅茅矻矻然罔寒暑昼夜食粗糲衣懸鶉籜积寸累田产增栋宇新家日蒸蒸日上第生非其时乱靡有定壬戌春匪盜四起乘來掠君睡正濃惊觉欲遁賊已入室仓卒被执拳足枪杆如雨下体无完膚儿死者數矣丁卯腊至段鎮购货物遇匪綁

票去以重金贖歸方免於死辛未岁樊堤潰决洪水滔天田庐尽淹正救死不贍之际族弟贤焕被邻人诬以命案殃及池鱼將君家抢掠殆尽讼累經年几劳心血損失汗金固其餘事也居近道旁兵卒上下騷擾其家指難尽屈處此艰窮之境而能创业垂统承先后后舍君其谁哉君週歲丧父哀毀如成人母至孝鉅細必躬疾必尝药每得食物必歸以献母歿勺饮不入口者数日既葬衰服终其身服闋每祭必泣盡哀以为常兄弟三人析箸已久均以贖产雄乡里不分轩輊夫人章氏勤謹俭约亦与君同生女一子五頭角峥嵘英敏

# 李氏宗譜

卷首一

事略

三四

## 隴西堂

有造将来成立连驪直上建功立业为顶天立地奇男子  
子詎徒为君光仆亦与有荣施故乐为君道

贊曰

魁岸其容豁达其度柔亦不茹刚亦不吐无党无偏  
有为有守俭以養廉勤堪致富广置田園重新堂構  
植桂培兰光前裕后

族弟棲鵬厚勳氏頓撰

民国甲戌年季春月

谷旦

公元一九九三岁次癸酉年孟夏月

重刊

刘老孺人節孝傳

歲甲戌錙館於祖祠親伯賢幹因續輯宗書將告竣囑錙為乃母傳錙才慚綉虎質類雕虫何敢作傳一再固辭伯曰毋夫古之作傳者无非表揚忠孝節義俾后之覽者知所仿行焉吾母固巾幗者流於斯四者虽不克全而節二字可以当之吾母冲齡时外大父母为家政所迫不克抚养成人将母送养吾家先大父母甚爱憐视如己出未尝膈膜待之母虽年幼颇知妇道事先大父母以孝闻朝夕视膳问安盡敬禮無稍间断少如之长如之终身亦如之孝何如也合卷后情偕伉儷梁

李氏宗譜

卷首一

劉孺人節孝傳

三五

隴西堂

孟風高不十稔父捐館舍吾母痛失所天幾不欲生但念养老抚幼責無旁貸是以強留人世矣柏舟志勵霜雪操維时家無宿粟地乏立錐朝饔夕飧徒呼庚癸養生之具惟藜藿充飢鶉衣遮體夏無帳冬无被居住無庖棲身幾如鷓鴣然貧苦之狀在他人未有能處之者吾母則安之若素初不以貧苦介意而易其初心节奚苦也迨后吾兄弟成立家政由漸兴隆母心慰甚奈民國辛酉春因口角微嫌被比鄰嫁禍田产蕩然身繼陷獄母憂冤誣莫白抢地籲天急迫无门忽失红盈升日如是者再卒赖汝父念一本情深不忍坐视力为排解

捐資寢事故得免陷害而不為拖累者皆汝父再造力也汝作傳當勿遺此事无何衲不单行慘遭不測吾弟賢仕又於民國癸亥年不幸身故吾母迄今每當花晨月夕嘆息不置嗚呼吾母一生淑慎溫和何以命運多舛屢經錯折豈天道福善之理不足徵歟予虽魯鈍沐鞠育恩受劬勞德心非鉄石何能遽爾忘情用是囑汝操觚任其勉哉述訖形於色垂首而去余因事心亦戚戚溷陋頓忘謹就所言冒昧書之勒諸譜牒以垂不朽非敢言傳

亲侄孫集鎰薰沐拜撰

# 李氏宗譜

卷首一 啟盛公暨畢孺人合傳三六

隴西堂

## 啟盛公暨畢孺人合傳

公諱啟盛學朋其字吾族之忠厚人也家甚貧无產業自公先世苦况已不堪言及公甫出特为尤甚衣食儿难自給惟有为人作嫁稍博資斧以谋生活自是廿年间无岁不然历年過久遂有存積乃置田园修舍宇得以自營家政自为耕耨辛勤虽未曾免较前为人服役或作或輟而能自由者其勞逸不几判为两途哉年三十餘犹鰥居凡内外事一身任之佐理无人唱随奚自抚膺自叹饮恨无窮际遇之苦何若是之甚耶乃良緣风締佳耦天成而有其妣畢孺人出自江南來歸湖北

遂与公情偕伉儷喜订鸳鸯诗所谓窈窕淑女君子好  
逖公与孺人其庶幾乎自孺人歸相公后扶持有道内  
助称贤處已以俭约待人以宽厚不言人短不炫已长  
故终其身未尝与人争至於舉動语言悉守内则虽古  
之鍾郝陶韦未能远过尤復勤操井臼不憚艰辛纺织  
无停风夜不怠所以家政蒸蒸日上非前一贫如洗者  
皆由公与孺人勤勞所致也育丈夫子三性皆不敏不  
能卒读遂课以耕幸三子亦勤俭人也当服田力穡时  
无昼无夜直至农事方畢而后已噫公与孺人以勤俭  
起家创业垂统而其子亦克绳祖武不墜箕裘殆公與

# 李氏宗譜

卷首一

三七

隴西堂

孺人之幸福亦公與孺人之厚望也余因乐为之传以  
誌不朽

族孙仲卿拜撰

公元一九九三岁次癸酉年孟夏月

重刊

王父啟蛟父先象兄賢方三世行狀

家之興業之狷門閭之光大后嗣之昌熾積德累功匪  
一世也由來尚矣吾家自先大父創作於前父與兄繼  
述於后衣食足田產增土木大兴丁男鵲起席其業蒙  
其荫而不思所以傳之耶庚生也晚年甫击瓮王父即  
捐館舍形容眼食默想中犹能依稀一二惟生平言行  
如蹟茫茫不知所憶出就外傳時學不專而逐於戏  
父每舉王父行狀以訓熟於耳犹能詳於口也王父幼  
失怙恃无伯叔为兄启龙公是依兄卒子然自立不以  
貧喪厥志水火耕耨罔寒暑額額手皴瘃足塗涉不顧

李氏宗譜

卷首一 启蛟先象賢方三世行狀三八

隴西堂

也王母戴中州故家女公子避亂於鄂王父聘为佳儷  
生子一女二即逝时长女六齡子三岁次女方逾月尚  
未离於襁褓养无人势难兼顧不得已將次女割爱许  
周就其乳哺留长女於家照料门户提携弱息而已一  
日因事外出女弱不能举火子饥泣女亦泣正涕泗交  
流之頃王父适歸驟睹此状不禁心碎腸迴愈增鼓盆  
之痛然鑒於閔子衣芦伯奇履霜诸祸无鸾镜重圓之  
感想抱修真养性之决心持齋戒杀不茹腥血昼耕凿  
夜跌坐假寐面壁潛修更三十寒暑如一日精風鑑明  
内经走吾常凡崇於妖邪者请其驱逐靡不应手奏效

所言過去未來諸事历历不爽有翮七欲仙之慨以然  
兒女累故不忍作瞿曇禿刹致三昧未通不获密多  
波羅以免於劫卒於前清光緒甲辰年三月上巳日戌  
時距生於道光丙申年五月初七日午時春秋六十有  
餘葬新起山祖塋之側予先象公庚父也性至孝生葬  
祭悉本諸礼茹素蠲葷不改其道塑像於庭朝夕供奉  
終其身香火不絕為人忠厚朴誠勤劬盼七帑沐耕耘  
为先人箕裘是绍虽未事诗书正直敢言不意强不凌  
弱排難解紛曲直立判有魯仲连之月管理族間出入  
阿堵袒白不私絲毫如有統付妙之悞焚香誓畢如

# 李氏宗譜

卷首一 启蛟先象賢方三世行狀三九

## 隴西堂

數墊賠於是者有年矣吁吾族家不滿百而能建宗祠  
置香火田園者父亦与有力焉母熊端莊靜一持家儉  
謹与父有同志生庚兄弟各一女嬰二长适朱遇人艰  
难恒置念慮次适许节俭自持能养舅姑兄與弟力田  
各守本业庚下帙读虽愚鈍以父教纂嚴亦不敢废学  
嬉但阨於遇不能奮发有为负重道隆师之厚望孙四  
英敏有造頭角峥嵘堪嬉迟暮第因劳获疾骨立形消  
延至甲子年十月廿一日溘然长逝时不肖兄弟等随  
侍在側亲视舍殮停柩中堂择吉祭奠乡先生争趋执  
紼葬窰基发秀山冀其必有后也詎墓木未拱长兄

不祿天道報施善人固亦有或爽者嗚呼失怙之悲未  
已陟冈之痛又興血染毫端情難遽止故不得不附錄  
之兄諱方无字端人也性廉隅容魁岸光明磊落倜儻  
不羈自其幼時已如成人不屑為塵飯塗羹諸戏始讀  
書穎而勤师长咸器重之然因父病故未能卒讀年十  
六弃毛錐子執錢鎛以自食初猶不堪其苦繼則披星  
出戴則月歸手胼足胝風雨无停俯仰賴以无缺家事  
賴以振興庚十年膏火之費亦何非莫為血汗之所致  
也聘嫂張氏情好甚篤生子二長拯民兄歿時纔五岁  
次昆吾甫六月藉嫂氏冰節劬勞教養力長已成童

# 李氏宗譜

卷首一 启蛟先象賢方三世行狀四十

## 隴西堂

次亦能讀伶俐非凡克妥英灵於地下易曰積善之家  
必有餘庆由吾家三世觀之益信茲值續修家乘际謹  
將聞見所及次其事鏤之梨以傳為家法一以為里中  
愚夫愚妇所兴感虽王父兄不存得此編亦若永存也  
夫

孫男賢庚鞠躬拜撰

谷旦

民國甲戌年季春月

公元一九九三歲次癸酉年孟夏月

重刊



李象先先生家传

先生讳吐字象先父啟蛟母戴氏生三岁而母卒以贫故不能学从父习农以父之志为志一切悲欢好恶不主於己为父志之从少如之长如之终身亦如之觉宇宙间舍从父志外无善之可逾於其父而令其信於心从之而不疑也父故业农勤俭成性先生从父耕勤俭亦如之李氏族姓丁口不繁无力建修宗祠以妥先灵先生尝引为憾事於是尽力经营祖事数或不敷则焚香祷告如数垫赔卒能修筑祠堂享祀不忒人或颂其精诚不可及先生则曰此吾父志也吾从吾父志能如

李氏宗譜

卷首一

象先家传

四一

隴西堂

父愿吾心始安他何有哉父故皈依佛门茹素半世先生承其志不茹葷不饮酒父歿则塑父像於庭朝夕供奉如父生时此孟子所谓终身慕父母者也视三年无改於父之道有过之无不及也夫人熊氏勤谨俭约一如其夫先生中年染咳嗽疾仍勤耕不已至二十年之久夫人则绸缪室家以分夫劳且助夫令子厚勳习儒业出就外传凡十餘年修脯仪節无不从丰厚勳之有声士林固先生嗜诗书之功而夫人实与有力焉生子三人女二人先生卒年五十七诸子均已婚娶且有抱子者云

湖北省 陈古师範学校畢業生 乡愚晚刘洪拜撰  
高等法院一等书记官

民国甲戌年季春月 谷旦

公元一九九三岁次癸酉年孟夏月 重刊

# 李氏宗譜

卷首一

四二

## 隴西堂

### 道坦公元配王孺人墓记

记者何因记其事以示不忘也昔东坡作喜雨亭记王佑作三槐堂记其事不同其所以作记之意则一也是记也者古人先我为之我何不仿而效之兹丁宗书告竣故將王孺人葬屋后发祥山下坤山屋后碑墓森然付诸梨枣永垂不朽以妥先靈以示来兹其意不为不美矣但此墓南有贤明基地宽一丈二尺北有石菴基地前以老屋墙外宽一丈一尺后以老屋牆外宽八尺五寸在后子孙永远架造时新牆准其倚土護脚倚土之地系属十二房公有其地上抵墳宽四尺下抵墳宽

四尺自后各憑天良各守各界則爭端不作而后患得  
免矣三月吉立

民國甲戌年季春月

后裔公刊

李氏宗譜

卷首一

四三

隴西堂

之珠公房下稻場記

稻場者所以利於家之用也我之珠公房下稻場向來  
與作舟公房下分斷此稻場中間橫有公窖石為憑界  
北首歸作舟公房下管紹界南首歸之珠公房下管業  
務宜各守各界勿得覬覦爭奪今因續修家乘是以濡  
筆記之俾后世子孫遵守勿失

民國二十三年甲戌季春月

公立

公元一九九三歲次癸酉年孟夏月

重刊

作舟公支下屋后陸地契据

立契大賣陸地約人李全見有自己陸地一斗五升栽  
麥三升在永三里五甲李長泰戶內完納今因父子商  
議請中說合情愿出賣與公發堂名下為業當議時值  
價九八大錢十一串六百文比日全中領訖自賣之後  
地聽買主另批糧蕪過戶完納賣主親疏人等毫無異  
說永無加找世不回取恐口無憑立此為証

依口代筆焰卿

計開座落屋后地叫名一斗半

憑中人胞兄焰卿

大清宣統元年

八月

日立

李氏宗譜

卷首一

四四

隴西堂

伯卿兄弟三人隙地記

地以隙名者因未作用故也此地昔年買自賢幹三人  
公出價值自后或分或夥永遠按股管紹不得有強弱  
眾寡之分致有抹股爭執之弊况四圍均有毗連之處  
若不杜漸於前难免不遺累於後茲將界限詳誌之東  
以田為界南以糞塋為界西以糞塋為界北以公共巷  
路為界四界清晰毫無混淆永遠各宜遵守

李石菴

志之

立合同杜白字人

李子香

吴书桂

李奉山

吴三乐

崑山

等有李公兴经管等先年置买吴尚吉基屋三间与吴三乐南首屋二间连毗各有契据今因李姓改造行墙各执一说不无争辨是请憑紳邻等从中理明此後李姓抵本屋例柱行墙但此牆脚在吴人據买契有分公议南首之牆外聽从吴入在牆上闌桶桁条如吴人目后改造升高聽其飞簷在李姓屋上如吴人屋高仅此准其抵牆合一吴人究不得藉牆脚有分之说故意碍

李氏宗譜

卷首一

四五

隴西堂

难亦准其璫李人永远管绍北首李姓抵柱行牆外尽为古巷聽从吴胡在巷内居住之人出入前属李姓隙地李姓自便出入后本屋羅簷上以吴三乐滴水为界下以吴三樂羅檐牆脚为界四界俱明自后均无異说恐口无憑立此杜白字二紙各执一紙永遠遵照为据

原笔添字二个

公举代筆熊升階

孙达臣

夏元道

憑紳鄰

熊宝珊

吴登霖

汪卓然

胡凤卿

憑紳鄰

黃煜堂

吳翔鳳

胡同聖

姚紀廷

民國十九年

三月

日立

立杜慮字人先道先才全侄賢享等昔曾大父正佩公兄弟三人正槐早逝正瑄生才佑一人曾大父生子六人因正明公无嗣遂恃王父才强公出继正明为子所有正明田产屋宇一切歸王父享受三世以来丁财颇旺詎桑田滄海變幻无常后浪前催死亡相继正佩公自將王父出继後其餘五子先後喪亡均无子嗣本欲

李氏宗譜

卷首一

四六一隴西堂

承人之血食而反自斫其血食矣道等饮水思源心难想愬置始虽移花接木今欲取水還源移木就本用請家户子香叔卿等向堂侄厚勋等再四磋商幸蒙允诺遂將先父啟盛公桃才銓才鏹才铄为嗣又将胞弟先厚兼桃学恒为子並情愿将自己坐落雨家山之陸地五升捐出歸正佩正瑄正明三公子孫永遠管紹以为香火之资至先人有无遗产道等既得正明产业决无過问之餘地惟公共祖山虽不得再行添葬可以登山祭扫均不得生端異说恐口无憑立此为证

民國二十三年甲戌季春月

谷旦

